

**Program Transformasi Pacu BN Capai Kemenangan Dalam PRU-13, Kata Pakar
Ekonomi
Bernama
29 Ogos, 2012**

KUALA LUMPUR, 29 Ogos (Bernama) -- Program transformasi yang diperkenalkan oleh Perdana Menteri Datuk Seri Najib Tun Razak akan memastikan kemenangan bagi Barisan Nasional (BN) dalam pilihan raya umum ke-13 akan datang, kata pakar ekonomi dari Economist Corporate Network, Justin Wood.

Beliau berkata usaha transformasi itu iaitu Program Transformasi Ekonomi dan Program Transformasi Kerajaan, yang diilhamkan oleh Najib selepas mengambil alih jawatan perdana menteri pada 2009, akan memastikan gabungan parti pemerintah meraih kejayaan dalam pilihan raya umum, yang perlu diadakan sebelum 28 April, 2013.

"Barisan Nasional akan terus memerintah. Mungkin majoriti akan berkurangan namun saya meramalkan kerajaan yang sama selepas pilihan raya, yang paling getir dalam sejarah Malaysia.

"Ekonomi Malaysia kukuh, dan pelaburan langsung asing semakin meningkat. Semua ini disebabkan keprihatinan oleh kerajaan sedia ada terhadap rungutan yang ditimbulkan oleh pelabur asing sebelum ini," katanya pada taklimat media di sini Rabu.

Wood berkata satu daripada kriteria paling penting yang dikehendaki oleh pelabur asing dalam sesebuah negara adalah kestabilan politik diiringi dasar yang jelas sebagai satu pakej.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=690607>